

# ORANG ISLAM YANG TERKEMUKA

## Ibn Jarīr al-Tabarī: Imām ahl al-Tafsīr

Abū Ja'far Muḥammad bin Jarīr al-Tabarī, pengarang kitab tafsir al-Qur'ān yang masyhur dan pengarang kitab tarikh yang terkenal, telah hidup dalam kurun yang ketiga hijrah, zaman perkembangan pengetahuan Islam, terutama mengenai usaha mengarang dan membukukannya, yang berpunca dari zaman Khalifah Abū Ja'far al-Manṣūr, Khalifah Banī 'Abbās yang kebilangan. Al-Manṣūr-lah yang telah memberi sebesar-besar galakan kepada alim ulama Islam dan ahli-ahli fekah supaya menyusun kitab-kitab agama yang akan menjadi panduan kepada orang ramai. Galakannya kepada Imām Mālik mengenai kitab *al-Muwatṭa'* (kitab hadis yang tertua itu) rasanya sudah rata-rata diketahui oleh ramai. Selain daripada itu cukuplah kalau disebut tentang setakat mana kemajuan ilmu pengetahuan Islam dalam segala lapangan, telah membubung<sup>1</sup> tinggi dalam zaman Khalifah al-Ma'mūn yang keemasan.

Al-Tabarī telah diperanakkan pada tahun 225H dan

Baghdād pada zamannya ialah pusat ilmu pengetahuan,

telah meninggal pada tahun 310H. Ia telah menghabiskan

dan tumpuan alim ulama yang kebilangan.

umurnya yang delapan puluh lima tahun itu dalam menampung

Dalam masa mudanya, al-Tabarī telah menuntut ilmu

ilmu dan menyiarinya. Otaknya yang bergeliga dan kebolehannya

hadis di bandar Al-Ray dan daerah yang berhampirannya.

menghafaz akan sesuatu ilmu sungguh menakjubkan.

Di antara guru-gurunya ialah Muḥammad bin 'Abd al-Ḥamīd al-Rāzī

Al-Tabarī yang terkenal zuhud dan kuat beribadah itu telah

dan al-Mathnā bin Ibrāhīm al-'Ilī.

menghadap bulat-bulat kepada usaha mengarang dan menyusun

kitab-kitab agama dan tawarikh Islam yang sangat besar

Suatu kisah telah diceritakan oleh seorang

faedahnya kepada umat Islam. Kitab tafsir al-Qur'ān yang telah

sahabat al-Tabarī, bahawa pada suatu hari ia telah

disusunnya ialah ibu segala kitab-kitab tafsir yang telah

pergi membawa anaknya lalu ditanya oleh al-Tabarī, berapa

disusun orang sesudahnya. Al-Tabarī telah merantau

umur anaknya itu? Manakala orang itu mengatakan anaknya

merata-rata alam Islam, dari bandar Baghdad membawa kepada

berumur sembilan tahun, al-Tabarī berkata pula:

bandar-bandar Kufah, Başrah, Kaherah, Damsyik dan Al-Ray

Mengapa tidak dibawa belajar kepadanya, orang itu pun

(Parsi).


mengatakan ia berat membawa anaknya kerana dia masih kecil

Di Bagdad ia telah bermastautin dan di Bagdad juga

dan takut-takut kalau-kalau dia nakal.

ia telah meninggal dunia.

<sup>1</sup> Perkataan sepatutnya ialah membumbung



*Suatu pemandangan di al-Iḥyā' al-Sharīf Gunung Semanggol, Perak. Dalam gambar kelihatan al-Ustaz Budiman Radi, guru kursus pidato sedang mengajar.*

### **Mimpi yang Bersempena Baik**

Mendengar itu al-Tabarī berkata: Saya telah hafaz Qur'ān dalam masa umur saya tujuh tahun, telah menjadi imam sembahyang dalam masa umur saya delapan tahun, dan telah menulis hadis dalam umur saya sembilan tahun. Ayah saya telah melihat saya di dalam tidurnya bahawa saya sedang mengadap Rasulullah ṣallā Allāh 'alayhi wasallam, dengan membawa suatu sumpit berisi dengan batu-batu kecil sambil saya melontar batu-batu itu di hadapannya (Rasulullah). Setelah ayah saya meminta ta'bīr-nya kepada seorang ahli ta'bīr mimpi, maka orang itu mengatakan: Apabila anakmu itu besar kelak, akan menjadi penyiar dan pembela Islam. Ayahku pun memberi

sepenuh kesempatan kepada saya untuk menampung ilmu dalam masa saya masih kecil lagi.

Al-Tabarī telah berpindah dari bandar Al-Ray di Parsi lalu pergi ke Baghdad. Di sana ia telah menuntut ilmu kepada alim ulama Baghdad yang kenamaan, kemudian ia berpindah pula ke bandar Kufah lalu menuntut kepada alim ulama besar di sana.

### **Mencari Ilmu Kepada Ahlinya**

Sekali lagi al-Tabarī berpindah ke Baghdad dan tinggal menetap lama di sana untuk mendalamkan ilmunya mengenai ilmu-ilmu al-Qur'ān. Setelah itu ia pun belayar ke Mesir dengan melalui negeri Syam dan tiba di Mesir pada tahun 253H. Di sana ia telah mendalamkan ilmunya mengenai

mazhab Mālik, al-Shāfi‘ī dan alim ulama yang lain.

Demikianlah halnya al-Tabarī merantau dari sebuah negeri ke sebuah negeri dalam mencari tiap-tiap jenis ilmu daripada ahlinya, sehingga akhirnya ia balik semula ke Baghdad. Di sana ia telah mengajar dan menyebarkan ilmunya kepada orang ramai dalam berbagai-bagai lapangan. Di Baghdad juga ia telah mengarang kitab-kitabnya yang masyhur itu yang masih menjadi ibarat matahari. Inilah dia perjalanan hidupnya yang penuh dengan usaha mencari ilmu dan menyiarkannya kepada orang ramai, dan dengan itu tepatlah kedudukannya sebagaimana yang disifatkan oleh al-Khaṭīb al-Baghdādī, katanya:

“Al-Tabarī salah seorang imam yang kebilangan, yang boleh dihukum dengan apa yang telah dikatakannya, dan boleh rujuk kepada buah fikirannya, kerana ilmunya yang mendalam dan kelebihannya. Ia telah mengumpulkan ilmu pengetahuan yang tidak dapat dibandingi oleh seseorang jua pun pada zamannya.

“Ia seorang yang hafaz akan kitab Allah, ahli mengenai ilmu *qirā’at* (ilmu membaca al-Qur’ān dan segala cawangannya), faham dengan sedalam-dalamnya akan isi kandungan al-Quran, *fakih* (dalam ilmunya) mengenai hukum-hukum al-Qur’ān, mahir dalam ilmu hadis dan sanad-sanadnya (jalan riwayatnya) yang sahih dan yang lemah, yang *nāsikh* dan yang *mansūkhnya*; mengetahui dengan seluas-luasnya akan pendapat-pendapat sahabat dan tabi‘in, dan alim ulama yang kemudian daripada mereka dalam hukum-hukum yang halal dan yang haram, dan amat luas pula pengetahuannya dalam tawarikh.”

### Pengarang yang Tekun dan Kebilangan

Alim ulama dan ahli-ahli *al-tārīkh* sangat menghormatinya. Mereka banyak meriwayatkan perkara-perkara yang ajaib dari hal dirinya. Mereka berkata, bahawa ia telah

tekun menulis selama empat puluh tahun, dan pada tiap-tiap hari ia menulis sebanyak empat puluh kajang kertas. Setengah daripada murid-muridnya telah menghitung helai-helai kertas dan kitab-kitab yang telah ditulisnya semenjak ia akil baligh sehingga ia meninggal dunia, lalu didapati ia telah menulis, dengan dihitung panjang, empat belas kajang kertas sehari sepanjang hayatnya yang delapan puluh lima tahun. Di antara alim ulama dahulu yang banyak sekali menulis seperti al-Tabarī ialah Ibn al-Jawzī dan Jalāl al-Dīn al-Suyūtī.

Suatu kelebihan al-Tabarī yang tidak ada bandingnya, ialah bahawa ia dapat bertanding dengan alim ulama yang ahli dalam sesuatu cabang ilmu, bahkan dapat pula mengalahkan kebanyakan mereka, terutama dalam kitab tafsirnya yang tunggal, yang telah menghimpunkan cara kebolehan alim ulama salaf (yang terdahulu) dalam mencatat riwayat yang sah, dan cara kebolehan alim ulama yang terkemudian dalam membentangkan penyelidikan yang rapi dan fahaman yang tepat.

Al-Tabarī ialah seorang ulama tafsir yang telah mencapai tingkatan imam atau guru utama dalam medan tafsir. Ia telah menggilakan orang ramai dengan kitab tafsirnya yang masyhur itu, yang telah dicetak dan diterbitkan berulang-ulang kali, iaitu sebuah kitab tafsir yang menjadi tumpuan ramai untuk memetik buahnya yang serba lazat, dalam kebunnya yang terbentang luas dengan tanaman-tanaman yang menghijau subur itu.

### Kitab Tafsirnya

Kitab tafsirnya yang muktabar itu, sebuah tafsir yang telah berkekalan hidup zaman-berzaman mencabar tiap-tiap seorang alim ulama dan tiap-tiap seorang ahli tafsir hingga hari ini. Memang tepatlah apa yang telah dikatakan

oleh al-Imām Abū Hamid al-Asfarāyanī tentang hasil buah kalam al-Tabarī itu: “Kalau seseorang mengembara sampai ke negeri China sekalipun, sehingga dia beroleh kitab tafsir Ibn Jarīr al-Tabarī, maka itu tidaklah banyak”.

Al-Khaṭīb pula meriwayatkan, bahawa al-Tabarī, pada suatu hari, telah berkata kepada sahabat-sahabatnya, bersediakah tuan-tuan menyusun sebuah kitab tafsir? “Berapa tebalnya?” tanya mereka. Lalu dijawab olehnya: “Setebal tiga puluh ribu kajang kertas”. Mendengar itu mereka berkata: “Ini ialah suatu perkara yang bukan alang kepala, akan habis umur kita kelak sebelum kita dapat menyelesaiannya”. Al-Tabarī pun meringkaskan kitab tafsirnya itu setebal tiga ribu kajang kertas.

Al-Tabarī telah bertanya juga kepada sahabat-sahabatnya, bersediakah mereka menyusun sebuah kitab *tarīkh* yang lengkap dari semenjak Nabi Adam sehingga zaman mereka, dan tebalnya ialah setebal kitab tafsirnya yang telah dicadangkan itu. Tatkala mendengar bahawa mereka tidak terdaya membuatnya, al-Tabarī berkata “*Innā lillāh (wa innā ilayhi rāji‘ūn)*, matilah rupanya hemah tuan-tuan!”

Menurut riwayatnya, kitab tafsir itu telah dimulakkannya pada tahun 283H dan telah menyudahkannya pada tahun 290H.

### Ahli Hadis

Selain daripada itu, al-Tabarī juga seorang ahli hadis yang sangat luas pengetahuannya tentang jalan riwayat hadis-hadis itu, dan mahir pada membezakan yang sah dan yang lemah, yang *nāsikh* dan yang *mansūkh*. Penulis-penulis sejarah hidupnya ada menyebut bahawa al-Tabarī telah menulis, daripada Abī Karīb sahaja, lebih daripada seratus ribu hadis. Selain daripada keahliannya tentang pendapat-pendapat sahabat-sahabat Nabi dan tabi‘in.

Al-Tabarī seorang ahli fekah yang bebas, ia seorang mujtahid yang tercatit namanya dalam kalangan mujtahid-mujtahid yang kebilangan. Ia tidak bertaklid melainkan pada masa mudanya ketika mempelajari fekah di Baghdad, iaitu menurut mazhab Shāfi‘ī. Al-Tabarī mempunyai pengikut-pengikut dari alim ulama yang bertaklid kepada ijtihadnya, di antara mereka ialah Abū Bakr al-Ma‘āfi yang terkenal dengan nama Ibn Ṭurāz.

### Ahli Tarikh dan Ahli Bahasa

Al-Tabarī *ahl al-tārīkh* yang masyhur. Ia telah menyusun tawarikh Islam di dalam kitab *tarīkhnya* yang terbilang itu dengan berdasarkan riwayat-riwayat yang sah dan bentuk karangan yang tegas dan jelas.

Al-Tabarī juga seorang ahli bahasa Arab yang terkemuka. Bentuk karangannya dalam kitab tafsirnya itu adalah menjadi sebesar-besarnya bukti keahliannya itu, bahkan ia telah dipuji oleh ahli-ahli bahasa yang lain, di antaranya ialah Abū al-‘Abbās Tha‘lab yang kenamaan.

Mengenai keistimewaan al-Tabarī ini, Abū Muḥammad ‘Abd al-‘Azīz bin Muḥammad menulis:

“Al-Tabarī ialah seorang yang tidak dapat disangkal tentang ilmunya, kelebihannya, kecerdasannya, dan kuat hafaznya. Kelebihan-kelebihannya ini telah sedia diketahui oleh ramai disebabkan usahanya mengumpulkan ilmu-ilmu pengetahuan Islam yang tidak pernah dikumpulkan orang sepertinya, dan kitab-kitab buah kalamnya mendapat kemasyhuran yang melebih kemasyhuran pengarang-pengarang Islam yang lain. Al-Tabarī ialah seorang yang tidak terpesona kepada kemewahan hidup. Ia salin<sup>2</sup> tak tumpah seperti seorang qari (pembaca Qur’ān) yang tidak mengenal melainkan al-Qur’ān, dan ahli hadis yang tidak mengenal melainkan hadis. Ia juga seperti ahli nahu yang tidak mengenal melainkan ilmu nahu, dan jurukira-kira yang tidak mengenal melainkan ilmu hisab....”

<sup>2</sup> saling